

Sanglinz Sanhgi Vahyenz

上林三区花园

Sanglinz Sanhgi Vahyenz dwg gizdieg ndei ndeu, gizhaenx gingjaek gyaunde, miz va miz nywj, miz byagyaj, lijniz dingz iq, mwngz bae le itdingh mbouj siengj dauqma.

Daj bakdou gunghyenz yawj haeujbae, couh yawj raen miz haujai faex. Miz go sang、go daemq; go hung、go iq. Miz gorungz hung、goliux、gobek, lijniz godauz……Gorungz hung heufwdfwd, lumj boux vunz ndeu iet hai song fwnz, coengh raeuz dangj rumzfn, youh lumj aen liengj heuloeg ndeu. Roeg iq youq gwnz gorungz hung guh rongz, faeg lwg, ciengq go diuq foux, angqyangz raixcaix. Nye goliux unqnemnem duengq daengz gwnzdieg, lumj boux dahsau iq roi bwn'gyaeuj nei. Go'gvang maj ndaej gig sang, sang daengz gwnzmbwn bae lo, caeuq duzroeg fwjhou gwnzmbwn caez gaem fwnz dwk, gij mak de baenzroix baenzroix duengq roengzdaej, ndaetfwdwd, aiq dwg saejdaez

ndeigwn duz roeg iq ba?

Ndaw gunghyenz lijniz haujai va, miz vadaengngoenz, vadauz, lijniz swjginghvah dem……Gova hoengzhoengz heuheu: Hoengz、hau、henj、gyaemq……Duj dem duj riunyumnyum, gyaunde raixcaix.

Raq rumz ci gvaqdaej, va hom raixcaix, lumj naeuz hom daengz ndawsim mwngz, hawj vunz cingsaenz gvaekgvaek, heiq hom yinx daej duz rwi iq, duz mbaj iq, duz non iq, duz rwi iq nyaengq aeu dangz, duz mbaj iq angq diuqfoux. Gij va gyaunde hix yinx daej gyoengqvunz lo, gyoengqvunz youq gizhaenx yawj va, caeuq gova itheij ingjsiengq.

Byaij gvaq roen iq ngutngut ngeujngeuj, couh raen diuz giuzbumz ndeu, giuz dwg yungh faex hung guh saeu、lanzgan, lijniz gepvax saekndaem, ndei yawj raixcaix. Ndaw giuz miz eijraez, miz vunz naengh youq gwnzde yawj saw、yietnaiq、gangjgoj,



lijniz vunz youq gwnzgiuz lienhcau, dwk daigiz. Raq rumz ndeu ci daej roxnyinh liengzsi.

Byaij gvaq giuzbumz couh raen benq diegnywj ndeu, diegnywj youh hung youh gvangq, go nywj heufwdfwd, caij hwnjbae unqnemnem gig cwxcaih, lumj gaiq damj nei, gwnz diegnywj miz siujbaengzyoux guhcaemz.

Sanglinz Sanhgi Vahyenz lijniz haujai gingjaek ndei yawj, gangj hix gangj mbouj caez, miz seizgan mwngz bae yawjyawj ba!

(Sanglinz Yen Dafungh Cin Cunghsinh Hagdangz seiq nienzgaep Cinz Cihsan boux lauxsae son'gyauq Mungz Cwngzgen)

Daxboh Nyaenma Ak Lai

了不起的狐狸爸爸

bouxraiz Lozwjdwz·Dazwj bouxhoiz Cwz Fanghdingz

罗尔德·达尔 著 翟芳婷 译

(ciep geizgonq)

“Gawqyienz daihgya cungj doengzeiq,” Bijwnh hainduj faen hong, “Bozgizsw, mwngz youq gizneix caj, haeujsim gaej hawj nyaenma deuz. Gou caeuq Banghsw bae hai gihgi gvaqdaej. Nyaenma danghnaeuz siengj deuz ok rog daej, cigciep hai mbat cungq ndeu.”

Bijwnh byom sang youq doiqnaj byaij, Banghsw youh daemq youh biz youq raeblaeng niyeg'yeg cij gaen ndaej hwnj, Bozgizsw duz moubiz neix souj youq dieg gaeuq, aeu cungq doiq bakcong h nyaenma.

Mbouj yungh geijlai nanz, Bijwnh caeuq Banghsw gak boux gag hai aen dohlahgi hung baihnaj daiq fagcanj gihgai ndeu, hungz hungz hungz hai haeuj ndoengfaex lo. Song aen gihgi ndaem neix, yawj hwnjbae lumj aen doxgaiq gaj vunz, goj lumj song duz gvaig gwn vunz.

“Ndei, hainduj!” Bijwnh haenqrengz hemq.

“Bae dai lo, nyaenma!” Banghsw swenj.

Dohlahgi hai doh rengz, yungh fagcanj gihgai daj gwnz aen bya iq vat baenz ndaek baenz ndaek namh roengzdaej, go faex hung bakcong nyaenma sienseng haenx, ngaiz goenq, lumj diuz sihoj ndeu laemx roengzdaej lo. Yaepseiz, gwnzbya rin soiq lengqlengq mbin, gofaex laemx nyauznyauz, singcauz hawj vunz rwz yaek nuk.

Lajnamh, gyoengq nyaenma lutluj youq ndaw deihoengq, dingq ndaej nyi gij singcauz hwkvunz baihgwnz cienz daej —— Bingham! Bingham! Hung!

“Baihgwnz miz gijmaz saeh ne, daxboh?” Gyoengq lwg nyaenma haenqrengz cam, “gyoengqde naemj guh gijmaz?”

Nyaenma sienseng mbouj rox baihgwnz miz gijmaz saeh, goj mbouj rox sam boux vunz haenx naemj guh gijmaz.

“Dwg deihoengh!” Maex nyaenma okrengz hemq coenz ndeu.

“Vaiq yawj!” Duz nyaenma lwg ndeu naeuz, “diuz deihoengq raeuz bienq dinj lo, gou yawjraen rongh lo!”

Gyoengqde doxcaez yawj gvaq raeblaeng, caen bw, bak haeuj deihoengq liz gyoengqde dan miz geij yinghcik gyae lo. Riengz giz rongh bakcong yawj gvaqbae, gyoengqde yawjraen song aen gihgi ndaem hungloet haenx, gaenq yaek daengz gwnzgyaeuj gyoengqde lo.

“Dwg dohlahgi!” Nyaenma sienseng haenqrengz hemq, “lij daiq fagcanj gihgai dem! Vaiq vat cong deuz mingh! Vaiq!”

Hungzlingjginh

红领巾



Hungzlingjginh dwg gij biu sausen duiyenz, dwg gak vujsinghhungzginz ndeu, dwg haujai gwzming senhle z yungh lwed nyumx baenz. Bouxboux duiyenz cungj wnggai dawz de gyaez de, gyalai mingzdaez moq hawj de.

Mwh it nienzgaep, gou miz aen loqsiengj ndeu, couhdwg haeuj sausen h dui ndaej dawz hungzlingjginh. Gvaqlaeng doenggvaq lai roengzrengz, gou dauqdaej ndaej dawz hungzlingjginh lo. Gou ndwn youq baihlaj geizguck sing hung gangj: “Seizseiz caepcawq vih gungcanj cujyi saehnieb bae buekguh!” Hoeng riengz seizgan menhmenh baenaj, gou roxnyinh baenz boux sausen duiyenz bingzciengz raixcaix. Cigdaengz miz gienh saeh ndeu, youh dauqcungz hawj gou ndiepgyaez hungzlingjginh.

Haenx dwg mbat banringzgvaq nitfwdwd、roengz fwnhung ndeu, dangzgoq ceiq doeklaeng dwg dangzgoq hozdung sausen h dui, lauxsae yiemz suk caeuq dou naeuz: “Gyoengq doengzhag seizlawz cungj mbouj ndaej lumz bonjfaenh dwg boux sausen duiyenz!”

“Dinglingling” sing lingz cuengqhag

yiengj lo, caezgya laebdaeb byaij dauq ranz. Gou gang aen liengj iq daxmeh hawj gou haenx, couhsuenq gou gungjgd roengzdaej hix ngamq cengqgengz ndoj ndaej fwn.

Gou boux dog byaij youq gwnz roen, sawqmwh miz aen ngauez ndeu daj gexhongh byaij okdaej, gou dingz roengzdaej yawj, yienzlaiz dwg boux doengzhag caemh ban Siujgangh, de mbouj dawz liengj, soemh fwnhung dauq ranz. Gou ngamq naemj bae bang, hoeng sawqmwh youh naemj daengz aen liengj bonjfaenh ngamq doh ndoj boux ndeu, danghnaeuz bang de, gou couh deng fwn rwed, gou hojguh lo, dauqdaej bang mbouj bang ne?

Sawqmwh, gou yawjraen mbaw hungzlingjginh najaek gou, de mbinfefe, gou youh naemj daengz coenz vah lauxsae: “Gyoengq doengzhag seizlawz cungj mbouj ndaej lumz bonjfaenh dwg boux sausen duiyenz!” Guh boux sausen duiyenz, gou mbouj ndaej yawjraen mbouj guenj, gou buet gvaqbae, badmbaq Siujgangh, aeu aen liengj gang gvaq dinggyaeuj de bae. De nyex gyaeuj yawjyawj gou, gamjdoengh raixcaix, doeklaeng gou soengq de dauq ranz lo.

Yawj gij ngauezlaeng de dauq ranz, gou sim'angq raixcaix. Fwn dingz lo, henzmbwn miz diuz saihoengz ndeu, ndit ciuq youq gwnznaj gou, sojmiz cungj bienq ndaej raeujrub, hungzlingjginh najaek hix riengz rumz mbinfefe, lumj caeuq gou riu nei.

(Nanzningz Si Roen Binhuz Siujyoz Vujsieng Yaugih Banh Hingz-dai)

